

NOTFAU: Mutzle, 16j.



suechet ganz dringänd äs nöiis Daheime mit Freigang

Liebi Tierfründe

Hoi, ig bi d'Mutzle u wie Du siehst, bin ig es Drüfärberli, es Glückskätzli! Abr s'Glück het mi grad verlah u ig bi uf dr Suechi nach eme nöiie Daheime. Warum? Mis liebs Frouli het is Autersheim müesse zügle, vo hüt uf morn, us gsundheitlechi Gründ. U mi het sy nid dörfe mitnä. Itze versorge mi d'Nachbare no es paar Täg, abr denn weiss ig nid, wo here. Drum!

Ig bi 16j., kaschtriert, gimpft, schtuberein u ganz es liebs aahängelechs Büseli. Ig ha demnächst no e Termin bim Doc zum Check, abr das chunnt guet. Ig bi no fit u guet zwäg. Ig bi e chliini, fiini, aafangs no ziemlech schüechi, abr liebi Chatzedame. Ig mag Schmüesele mit mim Mönch u ufm Sofa höckle u Schtriicheleiheite gnüsse. Abr nur, wenn ig min Mönch ha chennegleht, bi Frömdi bin ig no vorsichtig. Ig bruuche auso es Wiili zum Aachoh. U ig liebe min Freigang ir verkehrsarme Umgäbig, ig bi so gern dusse. Abr ig gah nid so wiit u chomme immr pünktlech hei. Was ig nid chenn u mag, das sy Ching, Hung u Chatz i mim Daheime. Ig hätt gern min Mönch nur für mi ganz allei. So chenn u lieb ig das.

Ig sueche auso ganz ganz baud liebi Chatzefründe, die wo zu mir luege u mi gärn hei u bi dene ig denn nach Iigwöhnigsziit wiedr nach dusse dörfti. En ruhige Huushaut, gärn wiedr e Pensionärshuushaut, davon tröim ig. Wohnsch Du verkehrtsarm odr sogar ländlech? Hesch Du en Garte odr Wiese ums Huus umme? Hesch Du Ziit zum mi Verwöhne u z'obig mit mir ufm Sofa höckle? Das wär's. Denn chönnti das bi Dir mis nöiie Daheime sy, denn müesst mir üs unbedingt lehre chenne. Ig wohne im Moment no z'Trun/GR, zügle aber gärn zu Dir, wo ou immer Du wohnsch. Villiicht nid grad i Trun odr im Nachbardorf, sunsch louf ig womöglech wiedr zrugg. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Mir pressiert's es bitzeli u ig wott doch nid no is Tierheim. Auso, mäud Di ganz schnäu! Ig fröie mi!

Dini Mutzle



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch